

# Fréttir

**Töflubreytingar í janúar!**  
**Ef þú vilt breyta**  
**stundatöflunni þá ferð þú**  
**í stofu M208**  
**fimmtudaginn 6. janúar**  
**kl. 13-18.**  
**Ekki verður um annan**  
**tíma að ræða.**  
**Vertu viðbúin/n**  
**Þér verður svarað á**  
**staðnum!**  
**Athugaðu breytingarnar**  
**vel!**



# Fréttir

Tölublað 245

Janúar 2011

Vorönn hefst með svipuðum hætti og vorannir gera, en fjölmenn er hún eins og undanfarin ár. Margir sóttu um skólavist, bæði nemendur sem voru í skólanum og aðrir sem ekki voru í skóla. Ekki var hægt að verða við öllum umsóknum og ljóst að baráttan um sæti í skólanum harðnar með hverju árinu sem líður.

**Við leggjum áherslu á góðan skólaanda en hluti hans er að við sýnum hvort öðru tillitssemi og virðingu, mætum stundvíslega, skilum skilvíslega og munum að virðing fyrir öðrum endurspeglar eigin sjálfsvirðingu.**

**Það er því nauðsynlegt að kynna sér þær reglur sem gilda í skólanum um námsárangur, skólareglur og skólasókn. Í því samhengi minni ég sérstaklega á að skólasókn getur aflað mönnum eininga og þannig flýtt þeim leið í náminu.**

Að þessu sögðu bjóðum við ykkur öll hjartanlega velkomin til starfa og vonum að ykkur farnist vel í náminu í vetur.

Starfsfólk Flensborgarskólans óskar þér  
gleðilegs árs og vonar að nýtt ár  
verði þér árangursríkt.



## Skiptibókamarkaður

NFF stendur fyrir skiptibókamarkaði næstu daga. Opnunartími verður auglýstur sérstaklega. Við hvetjum þig til að nýta skiptibókamarkaðinn.

# Skólareglur Flensborgarskólans

1. Nemendur, kennarar og aðrir starfsmenn eiga að mæta stundvíslega til starfa.
2. Nemendum og starfsmönnum ber að ganga snyrtilega um húsnæði og lóð skólans og fara vel með húsmuni og tækjabúnað.
3. Öll meðferð og neysla áfengis og annarra vímuvaldandi efna er bönnuð í húsnæði og á lóð skólans.
4. Algjört bann er við reykingum og annarri tóbaksnotkun í húsnæði og á lóð skólans.
5. Neysla matvæla er óheimil í kennslustundum, á bókasafni og í tölvuverum skólans.
6. Nemendum og kennurum ber að skila kennslustofum snyrtilegum í lok kennslustundar.
7. Notkun farsíma er bönnuð í kennslustundum.
8. Nemendum og kennurum ber að sýna hver öðrum kurteisi og tillitssemi.
9. Kennari er verkstjóri í kennslustund. Allir þeir sem tíma sækja eiga að geta notið kennslunnar í friði.
10. Nemendur bera sjálfir ábyrgð á að kynna sér reglur og starfsáætlanir skólans.
11. Allir, bæði nemendur og starfsfólk, skulu vera á inniskóm.

## Brot á reglum skólans getur valdið brottvísun.



Nemendur sem náðu öllum áföngum haustönn 2010 og náðu einnig skólasókn með einkunn 6 eða hærra hafa leyfi til að bæta við einum áfanga í töflu. Nemendur sem auk þess náðu þeim árangri að vera með alla áfanga staðna og með meðaleinkunn 8 geta bætt við sig 2 áföngum í töflu.

## Efnisgjöld

Þeir sem eru í áföngunum MAT og MYN greiða efnisgjald við upphafi annar.

MAT kr. 10.000      MYN kr. 3.500



# FRESTUR TIL AÐ SÆKJA UM P-NÁM RENNUR ÚT 14. JANÚAR

Niðurstaðan verður birt 18. janúar. P-nemendur skulu hafa samband við fagstjóra/kennara fyrir 25. janúar til að ganga frá samningi annars dettur heimild um P-nám niður.

**Einungis lítill hópur nemenda getur fengið P-nám. Einhverjum verður vísað í fjarnám. STÚDENTSEFNI ERU HVÖTT TIL AÐ SÆKJA UM TÍMANLEGA.**

## Reglur um P-nám

### I. Skilyrði fyrir P-námi

- 1 Nemandi sem fær 9 eða hærra í námsgrein getur fengið að taka næsta áfanga í sömu grein sem P-áfanga.
- 2 Nemandi sem við síðasta annarpróf hefur fengið 9 eða hærra í a.m.k. 6 einingum (að frádregnum einingum sem einkunn var 4 eða lægri í) getur fengið að stunda P-nám í öðrum áföngum en um getur í 1. grein.
- 3 Nemandi sem hyggst ljúka námi á næstu tveimur önnum og vantar fáar einingar til að geta það með eðlilegu töfluálagi getur fengið að stunda P-nám án tillits til einkunnar, enda hafi hann staðist a.m.k. 15 einingar eða 5 áfanga næstu önn á undan.

### II. Takmarkanir á P-námi

- 4 Enginn nemandi getur þó fengið að taka P-áfanga nema hann sé með a.m.k. 33 kennslustundir í töflu. Undantekningar frá þessu skulu því aðeins gerðar að um sé að ræða töfluárekstur milli tveggja áfanga sem hvorugum megi fresta vegna námsloka nemandans.
- 5 Ekki er heimilt að vera með nema einn P-áfanga samtímis í sömu námsgrein.
- 6 Aldrei skulu P-áfangar samtímis nema meira en 6 einingum, nema á síðustu önn nemandans. Þá má bæta við einum áfanga.
- 7 **Heildarfjöldi nemenda í P-nám er takmarkaður.**

### III. Framkvæmd á P-námi.

- 8 P-nemendur skulu hafa samband við fagstjóra/kennara fyrir **25. jan.**
- 9 Í kennsluáætlunum er skilgreint hvaða verkefnum P-nemendur eiga að skila og jafnframt hvort um viðbótarverkefni er að ræða eða ítarlegra próf í annarlok. **P-nemendur hafa ekki rétt á að sækja kennslustundir í áfanganum.**



## FLENSBURG

### Ósk um aukaáfanga í töflu

(í hefðbundinni stundatöflu eru sex áfangar auk íprótta)

Nemandi sem uppfyllir eftirfarandi reglur getur sótt um að vera með fleiri áfanga í töflu: (Nemendur á afrekssviði taka tvo íprótta áfanga, svo heildar fjöldi áfanga í hefðbundinni töflu hjá þeim eru átta áfangar).


**SKILYRÐI ÞESS AÐ FÁ AUKAÁFANGA ERU M.A. ÞESSI:**

- Ω Að það samræmist undanfarareglum
- Ω Að áfanginn sé kenndur
- Ω Að nemandinn sé með mjög góða skólasókn
- Ω Að nemandinn sé ekki með fall á síðustu önn
- Ω Að nemandinn hafi ekki fallið áður í þessum áfanga
- Ω Að nemandinn hafi ekki sagt sig úr áfanga á síðustu önn

## **Hraðtafla**

### **fimmtudaginn 6. janúar**

<b>Tími í dag:</b>	<b>Tími vanalega:</b>	<b>Stokkur:</b>
10.00-10.15	Mánudagur kl. 8.05	A
10.20-10.35	Mánudagur kl. 9.10	B
10.40-10.55	Mánudagur kl. 10.30	C
11.00-11.15	Mánudagur kl. 11.35	D
11.20-11.35	Mánudagur kl. 13.10	E
11.40-11.55	Mánudagur kl. 14.15	F
12.00-12.15	Mánudagur kl. 15.20	G
12.20-12.35	Þriðjudagur kl. 10.30	H
12:40-12:55	Tímar utan töflu	



Tíminn	Mán	Þri	Mið	Fim	Fös
8:05 - 9:05	A	F	G	A	C
9:10 - 10:10	B	E	F	B	D
10:30 - 11:30	C	H	H	C	H
11:35 - 12:35	D	Fundur	C	D	E
13:10 - 14:10	E	D	B	H	F
14:15 - 15:15	F	B	A	E	G
15:20 - 16:20	G	A	Umsj.- tími	G	

## **Að hætta í áfanga á önninni**

Nemendur geta ekki sagt sig úr áfanga á önninni nema um sérstakar ástæður sé að ræða. Ef nemendur telja sig þurfa úrsögn ber þeim að leita til námsráðgjafa.

Samþykki skólaráðs þarf fyrir úrsögninni.

Ekki er hægt að skrópa sig úr áfanga nema eiga brottrekstur úr skóla í vændum.

**Fjarvistir í viðkomandi áfanga halda áfram að telja þar til úrsögnin hefur verið staðfest.**

## **KÓR FLENSBORGARSKÓLANS**

Kór Flensborgarskólans er einn af bestu skólakórum landsins í dag. Tónleikaferðir innanlands og utan eru stór þáttur í starfi hans og er þátttaka í kórstarfinu metin til 3ja eininga á önn.

**Skráning og inntaka nýrra félaga verður auglýst**

Við verðum að gæta að gönguleiðum innandyra og utan!  
Skór og töskur eiga ekki að stífla ganga og bílar ekki að loka aðkomu og gangstéttum.

**Dagatal vorannar er á heimasíðu skólans!**

# **Töflubreytingar í janúar!**

**Athugaðu að vinna við  
töflubreytingar í janúar  
breytist.**

**Nú verða allar  
töflubreytingar afgreiddar  
samdægurs  
fimmtudaginn 6. janúar  
kl. 13-18.**

**Ekki verður um annan  
tíma að ræða.**

**Vertu viðbúin/n**